

346
...
CELSISSIMO ET RE-
VERENDISSIMO PRINCIPI
AC DOMINO D.

P E T R O PHILIPPO

Fpiscopo Bambergensi &
Herbipolensi. S. R. Imperij Prin-
cipi, Orientalis Franciae Duci, &c.

Domino meo Clemen-
tissimo.

BNjuriosus forem, Cel-
fissime ac Reverendissi-
me Princeps, Domine
Clementissime, si has la-
boris mei primitias,
quæ Gratiarum Tuarum ubertate ha-
etenus tam liberaliter irrigatae eò usque

maturuerunt , post DEUM & san̄tos
alteri , quām Celsitudini Tuæ tran-
scriberem : Quis enim plantat vineam
& de fructu ejus non edit ? 1. Cor. 9.
Aut quo Jure laborem suum Alumnus
alteri vendet , qui illum Altori suo mul-
tis jam titulis debet ? Absit à Te illa
DEI de populo suo ingrato querela : Fi-
lios enutrivi , & exaltavi ipsi autem spre-
verunt me. Isai. 1. aut, si unquam à Tuâ
Celsitudine audita fuerit , ego saltem
in numero illorum , de quibus justè sic
conqueri possis , non inveniar. Est &
alia causa , cur hasce pagellas meas Cel-
situdini Tuæ humillimè dicare volue-
rim : Tractant eę scilicet de Officio &
partibus Boni Pastoris , quas Tu non so-
lùm in temetipso quām exactissimè ad-
imples , verū etiam ut illæ in utriusq;
Tuæ Diœcesis Pastoribus expleantur ,
tanquā verus Episcopus admirabili pla-
nè Curā & solicitudine invigilat : eò
enim tendunt tot saluberrima Statuta
& Sanctiones , quibus Clerum primò quo
ad externam in Capillaturā & vestibus
modestiam , deinde etiam quo ad interio-
rem

rem animæ statum reformati, eliminando (quantum in Te fuit) inordinata Bonorum Ecclesiasticorū dissipacionem, avaritiam, otium, ignorantiam, suspectam cum fæmineo sexu chohabitationem, aliasq; vitæ Clericalis pestes. Eò collimat illa circa Parochos Casuum reservatio; ut, qui amore & timore DEI à peccatis non retraherentur, saltē difficultate impetrandaæ absolutionis absterrerentur. Eò dentq; spectat indefessū Tuū in cognoscendis Parochorū Causis studium & labor, cui Te ad multorū admirationem & stupore ita impendis, ut unicum id negotiū curare videaris. Scilicet non pateris Tibi ab alijs præripi Mercedē illam, quæ in Scripturis à DEO bonorum omnium Remuneratore Bonis & Fidis Gregis sui Pastoribus toties promissa legitur. Quam imarcessibilis gloriae Mercedem, ut Celsitudini Tuæ Princeps Pastorum post Nestoreos hujus vitæ annos concedat, animitùs appreco.

CELSITUDINIS TUÆ

Humillimus & devotissimus

J. G. Herlet.